



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XLVIII. De Qvodam milite Swantepolci.

urn:nbn:de:hbz:466:1-11850

Conradus Landgr. Thur. V. Mag. General. Ord. Teut.
 Poppo de Ostera II. Magister Provincialis in Prussia.

hic factum, sed pluries in (b) aliis locis ubi in absentia virorum munitiones fuissent periclitatae, si non restitisset audacia mulierum.

ANIMADVERSIONES.

AD CAP. XLVII.

(a) Referunt hoc Historici nostri ad An. 1244.

(b) Ob similem foeminarum Culmensium virtutem, Privilegium illud Culmense foeminis in familia herciscunda favorabile datum esse perhibetur. Quamvis autem hujus rei in antiqvis Scriptoribus firmum non reperiam fundamentum, confusè tamen hoc ipsum Dusburgensis hoc loco innuere videtur.

CAP. XLVIII.

De

Quodam milite Swantepolci.

Fuit quidam miles de familia Svantepolci, qui fratres Domus Teutonicæ adeò formidabat, quod viscera ejus contremuerent, dum audiret eorum nomina recitari. Undè accidit hoc tempore, quod idem Dux causa solatii secessit ad quendam villam, & ad majorem gaudii exercitationem vocavit quosdam alios milites ad se & ait: Mittamus unum famulum ad campos, qui post primum ferculum festinus revertatur & referat fratres cum exercitu advenire, & videamus quomodo iste miles timidus se disponat, quod cum eis multum placeret, missus fuit nuncius ad hujusmodi negotium peragendum. Fratres quibus hoc proditum fuit, cum venissent non longe à dicta villa, nuncius jam exierat, & videns fratres cum armigeris venientes, stupefactus & præ nimio timore pallidus effectus, cum planctu magno & extracto gladio reversus ad Svantepolcum, ait: Citò

T 3

sur-

furgite & recedite, quia revera fratres cum exercitu veniunt. Illi qui hoc præordinaverant, riserunt; Sed miles ille timidus audiens nomen fratrum, statim saliit ultra mensam & recessit. Sed nuncius ingeminans verba priora, seriosè & cum juramento confirmans, dixit, fratres cum exercitu jam esse in vicinio. Undè Dux aliis ridentibus recessit cum uno famulo, quem quidam Frater qui ad hoc fuerat deputatus sequens, in quodam flumine, dum Ducem non posset comprehendere famulum interfecit, alii fratres ceperunt & occiderunt, quicquid ibi de familia sua mansit.

CAP. XLIX.

De

Navali Bello.

FRater Poppo Magister sollicitus de salute fidelium, misit fratrem Conradum dictum Bremer cum multis armigeris, ut tres naves oneratas victualibus duceret in Elbingium, qui cum propè veniret Santirium, invenit Svaatopolcum & multos de populo suo cum XX. navibus expectantes, quos cum Frater Conradus videret, non tanquam meticulosus expavescens, sed velut magnanimus in Domino confisus navibus suis virtute remigantium velociter currentibus cum magno impetu ipsos viriliter est aggressus, sic quod pluribus de navibus Ducis submersis alia fuerunt confracta. Undè hostes videntes eos vicinos, littori accesserunt cum lapidibus, projicientes, Fratri Conrado unum dentem eruerunt, & plures alios læserunt, alii salvi in Elbingum pervenerunt.

CAP.